



御選元詩卷第五十七目錄

七言律詩十六

吳會二首

王翊一首

游莊一首

王中四首

陳安四首

徐淮二首

華幼武六首

葉顥九首

張洙一首

盧煥一首

曾朴一首

郭鈺三十五首

胡悌一首

劉永之十七首

貢性之十五首

買閭一首

盛或一首

滑壽一首

丁鶴年二十三首

吉雅謨丁三首

愛理沙三首

吳惟善一首

邵永二首

方道叡三首

趙汭十首

金涓十七首

御選元詩卷第五十七

七言律詩十六

吳會

次韻奉題吳彥貞華林別業

郡城南去有華亭花木成林竹繞汀
照影鳳皇臨月鏡傳聲鸚鵡隔雲屏
分栽柳入陶潛傳點校茶歸陸羽經
我亦延州老孫子對江相望樂清寧

題崇山劉氏園亭

西山三疊鬱宮堯亭上看山翠欲飄揚
柳小樓風滿席芙蓉清沼水平橋
美人歌處傾金杓仙客來時度玉簫
我憶醉眠花底月滿衣香露夜蕭蕭

王翊

送趙文善之湘陰守

前代王孫夙相家于今出牧向長沙
神龍正喜騰霄漢天馬寧容駐渥洼
江水流澌初閣棹岳雲點雪又催衙
好懷忍向高人別折贈寒梅驛路花

游莊

聞宋子瑜歸

朝辭幕府解戎衣夕向空山覓紫芝
彈鋏自傷爲客早折腰方歎去官遲
蕭蕭白鴈西風勁采采黃花夕露滋
却憶江波垂釣叟白頭猶作帝王師

王中

漫興

小齋清寂雨晴初
養拙生涯偶自如
夢裏屢尋芳草句
病來慵寫絕交書
鳥啼綠樹輕煙暖
花落閑階過客疎
却羨陶潛幽趣好
長歌吾亦愛吾廬

初夏寄興

日長亭館倦琴書
久病情懷偶自如
苔徧空牆新雨後
泥香小徑落花餘
耽閑會遣形骸累
向老全將世味疎
風滿北窗清夢覺
翛然心境上皇初

雨後夕涼柬友人

山中向夕雨初收
窗戶無人熠燿流
鳴杵幾家臨積水
征帆一片度危樓
涼陰滿地梧桐月
露氣涵香薜荔秋

誰道平生甘寂寞夢闌偏憶太平遊

暮春即事

塵事勞勞兩鬢霜愁將清鏡閱年光磨礪歲月歸吟社
檢束生涯入醉鄉草引閒情頻悵望蝶隨春夢屢悠揚
覺餘一啜茶甌罷短笛清風正夕陽

陳安

高大使吳淞歸興圖

楓落吳江白鴈飛天涯遊子正思歸香消夜月青綾被
涼入秋風白紵衣江浦蒹葭含宿雨驛亭楊柳帶斜暉
分明記得西湖上載酒蘭舟近翠微

中秋有感

畫省曾陪冠蓋遊華筵詩酒宴中秋星河不動天如水
風露無聲月滿樓皓齒纖腰催象板珠簾涼影上銀鈎
于今寂莫江城暮烏帽西風歎白頭

題高理瞻所藏小景圖

昔年爲客楚江邊雨霽江南二月天楊柳畫橋深淺水
桃花春岸往來船新篴白酒浮杯釀旋買青魚出網鮮
因見畫圖驚舊夢東風吹面鬢蕭然

效唐人送宮人入道

長門一別赴琳宮寧復中官促綉工紅葉人間無舊夢
碧桃天上自春風步虛尚覺宸光近歸院還疑輦路通
猶有內家簫管在夜深吹向月明中

徐淮

送萬敏中之金陵

買舟又上金陵去，風物應憐庾信才。
舊燕能言王謝事，夕陽空照鳳皇臺。
江邊商女猶教曲，店下吳姬正壓醅。
紫府青臺風雨近，莫因登眺久徘徊。

登松臺清秋有感

欲澆磊砢惟憑酒，竹葉滿樽翻綠波。
欵帽正當風力緊，吹簫無奈月明何。
高林紅葉得霜醉，故國青山入夢多。
客子長懷有誰識，凭高一笑付清歌。

華幼武

宿隱微山房

二月蘭舟泊上宮春雲不雨玉壇空苔生白石斑斑綠
魚養丹池箇箇紅對酒燭分花底夜出簾香散竹間風
高寒未覺仙臺遠只此相逢似夢中

遊碧浪湖簡同行沈高士

浮玉山邊晚繫舟菰蔣蕭瑟似新秋碧天萬里寫銀漢
明月一輪當柁樓每媿塵勞成白首喜從仙御作清遊
酒杯未落南風起又挂歸帆托順流

斑竹簾

湘妃淚灑碧琅玕翦織疎簾拭未乾細縷引風宜隔暑
濕雲含雨欲生寒燈前照耀琉璃潔月下爛斑玳瑁看
直榦盡輸兵革用高堂舒卷莫摧殘

題陽山顧碧溪詩卷

聞說山中顧隱君，幽居不與俗人羣。
愛看舞鶴護蒼蘚，淨埽落花留白雲。
李愿已刊盤谷序，稚圭休擬北山文。
一溪春水連天碧，肯著孤舟載月分。

寄趙易窗高士慶雲岡上人

昨宵風雨釀春寒，曉色開晴露未乾。
棋局定須尋李遠，杖藜還肯過蘇端。
繡經坐榻呼龍守，點易虛窗倩鶴看。
暫假飛鳬挽飛錫，樵蘇不爨罄交懽。

秋夜有感

澤國秋來夜氣涼，飄零猶自未還鄉。
蟋蟀泣露梧桐井，絡緯縈風薜荔牆。
只尺故園千里夢，亂離華髮十年霜。

仲宣樓上長回首烽火連山欲斷腸

葉顥

重九後菊

癡蜨狂蜂未用疑從來根性嬾趨時情知不少爭先輩
故遣遲開殿後枝斜日園林方冷淡西風天地特清奇
芳苞小蕊秋香老不是淵明斷不知

題幽居

隔谿春色兩三花近水樓臺四五家濁酒不妨留客醉
好山長是被雲遮松根淨埽彈琴石柳下常維釣月槎
路狹不容車馬到只騎黃犢訪煙霞

乙未八月二十二夜夢宿山寺與僧講道論詩

不覺夜分僧賦一聯云鶴向白雲棲處宿僧從
青嶂影邊歸覺而微改其句足成一律云

天風吹夢過招提瘦策迢迢扣夕扉鶴揀白雲枝上宿
僧從青嶂月邊歸杉松韻古調清樂苔蘚痕深染敝衣
多謝山靈能念舊此心焉敢忘煙霏

二月江城見梅二首

二月江城第一枝怕寒故故著花遲不嫌豔杏天桃俗
甘受狂蜂妬蝶疑月落西湖驚舊夢雪消南國憶當時
樓頭亦有霜天角嬾對春風煖日吹

桃杏紛紛正得時疎梅高潔合知幾如何萬卉嬌春日
猶有孤芳駐夕暉未要板橋尋蠟屐最宜沙路試羅衣

輕鞦小扇孤山下絕勝逋仙踏雪歸

述懷

形容枯似飽霜槎身老空山處士家一徑梅香雲滿地
半窗花影月籠紗常穿謝氏登山屐慣設孫郎餉客瓜
離亂固非疇昔比池塘難得爲官蛙

九日感懷二首

門掩東籬處士家每逢佳節惜年華黃花有恨驚秋老
白髮無情對日斜杜牧仙遊詩寡和王弘人去酒須賒
烏紗醉裏西風冷千古令人憶孟嘉

悠悠江影鴈南飛黃菊飄香蜨滿枝斜日西風彭澤酒
殊方異國杜陵詩煙巒慘淡山林暮霜葉蕭疎草木悲

醉後不思時節異半欹烏帽任風吹

元宵雪感懷

金帳羊羔酒裏仙醉觀皓鶴下瑤天寒英忽舞顛狂絮
香燄俄開爛漫蓮閨苑有花春未老芳城不夜月空圓
茅齋僵臥袁夫子也翫鰲山嬾去眠

張洙

辛丑十一月望日藻仲宗弟率諸生抱琴見枉
草堂藻仲偶得風雨抱琴良不惡之句予愛其
深得興體因足成唐律

風雨抱琴良不惡連牀尤盡故人情書狂屢遣供佳札
飲少惟愁鬪巨觥夜月忽於梅寫影寒雲不礙鴈流聲